



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Eyn kurtzer außzug/ auß dem Bebstlichen rechten der  
Decret vnd Decretalen/ Jn den artickeln/ die vngeuerlich  
Gottes wort vn[d] Eua[n]gelio gemeß sein/ oder zum  
wenigsten nicht widerstreben**

**Spengler, Lazarus**

**[Nürnberg], 1530**

**VD16 S 8234**

Zu dem Christlichen Leser.

**urn:nbn:de:hbz:466:1-33264**

# Zu dem Christen- lichen Leser.

**D**eniglich ist vnuerborgen/ Das vnserere geyst-  
lichen etlich iare here / mer dann einen Chri-  
stenlichen artickel/ für kezerisch falsch vnd yrig ver-  
dampt haben/ die doch in heyliger götlicher geschrifft /  
der massen gegründet sein / das dem mit warheyt vnd  
gutem gewissen kein Christen mensch ymer widerspre-  
chen mag. Vnd wiewol man dagegen/ den grund göt-  
lichs worts/offentlich angezeygt/gelert/ gepredigt vnd  
geschriben/sich auch solliche lere mit Christlicher war-  
heyt zuerhalten erpoten hat / in massen dan vil frummer  
Bestendiger Christē/bis here darüber gestorben sein/vñ  
die warheyt mit irem blut bezeugt habē. So hat doch  
solchs gar nit statt haben wollen / sunder das alles ein  
offentliche kezererey sein vñ heysen/vñ sich also ( wie das  
Euangelion sagt ) die ewig weyßheit von iren kindern  
rechtfertigen beschuldigen vnd zur schule führen lassen  
müssen / Vnd geet hierinnen wie das gemayn sprich-  
wort laut / Wann man der offentlichen warheyt nicht  
widersteen vñ doch dieselben nit leyden mag/ da ist der  
todt der pest patron zu den tichtern vnd predigern/ vnd  
das ferw zu den büchern/Vnd ist ye billich hoch zūer-  
wundern / auch bey freunden vnd seynden götlicher

warheyt erschöcklich zuhörn / das in allen menschliche  
zeytlichen sache / leyß eere vñ gut betreffent / wie gering  
auch die ymer sein / vñ mit allein von Christenlichen sun  
der auch vor Heydnischen richtern / die parteyen yedes  
mals zur notturfft gehört / vñ mit iren erpotten bewey  
sungē anzeygungen vñ gründen zugelassen werde / auff  
das dadurch die warheyt deſter statlicher an tag kum  
men / vñ der Richter zu gleychmessiger billicher erkand  
nus vñ vrteyl eylen mög / Allein in diser aller tapfferſte  
gröſten sache / da es Gottes eere / das heyl der seele vñ die  
freyheyt menschlicher gewissen belangt / da wil kein ge  
ſchriſt / Gottes wort / das gezeügnus der Christenliche  
kirchē / oder eynich ander Christenlicher gewiſer grund  
weder gehört oder angenommen / Sunder da muß al  
lein nach menschlichem won / begirden vñ wolgefallen  
geurteylt werden / Vnd würdet allda mit allein Got  
tes außdrucklicher beuelch / Sunder auch die ordnung  
der anfäncklichen kirchē / der heyligen vätter leere vnd  
exempel / Die alten Christenliche gepreüch vnd ordnun  
gen / Auch der alten Concilien / statut vñnd ſatzungen /  
überschritten / vnd in einem so wichtige handel / mit ver  
hörung der teyle / schuldiger erkündigung der Warheit  
vnd darauß volgendes gleychmessigs ſententz / gar kein  
ordenlicher proceß gehalten / Sunder wider alle men  
schliche recht ſtracks an der execution angefangen / vnd  
dannocht mit einer solchen vnſchickligkeit / das ſich die  
mer einer pludurſtigem Tyraney / dann heylſamen  
hilff vñnd ertzney vergleycht / Da ſind die so das vrteyl

in diser sachen fellen/selbs verhörer/partheyer/handler  
vrtaylor vnd executores/von dero erkantnus/auch kei-  
nem menschen für einen vnpartheylichem Richter/zu-  
appellirn gestat würdet/Vnd das alles ist leyder so of-  
fentlich am tag/das es on zweyffenlich kein erber men-  
sch Christenlichs stands/Ja auch die widerwertigen  
selbs ymmer mögen verneynen/Dieweyl aber nun die  
geystlichen/in sollichen sachen/vnd daneben nicht den  
geringsten teyle irer seligkeyt/auff ire Canones Bäßst-  
licher vrchten/wie sie die nennen/gestellet/solcher mas-  
sen/das sie die auff den Cangeln hoch berümbt/über  
Gottes wort erhebt/Auch iren stand/wesen vnd leben  
darauf zubestettigen vnterstanden haben/So ist hie-  
bey ein aufzug derselben Bäßstlichen rechten/souil sich  
dero mit dem wort Gottes vnd heyliger Biblischer ge-  
schrifft/auch menschlicher erberkeyt vnd billicheyt ver-  
gleycht/vnd vngeuerlich übereinstymen/oder demsel-  
ben allen ye zum wenigsten mit entgegen sein/mit dem  
fürzten zusammen gezogen/Vnd das darumb/das doch  
mānigklich auch die Geystlichen selbs offentlich sehen/  
vnd mit den henden greyssen mögen/das sie jr selbs  
Recht/Canones/Constitutiones vnd satzungen/gar  
nahe in allen artickeln/do sie götlich recht gleych vnd  
Christenlich seyen/weder halten oder dem gemess le-  
ben/Vnd das mer ist/dieselben auch bis here für verfür-  
risch Kezerisch vnd yrrig verdampt haben/vnd noch  
täglich verdammen/Dann was haben doch etliche ho-  
hen schulen/Babst vnd Bischoue/bis here für kezerisch

verurteylt vnd verprient / daß ire aygen Canoness wie  
dann ein yeder verstendiger auß diesem gedruckten auß-  
zug / mit hohem verwundern so offentlich plindttheyt /  
klarlich vnd augenscheynlich würdet befinden. Vnd  
was möcht doch disen leuten / vor Got vnd der gantzen  
welt / verkerlichers / schimpflichers vnd verachtlichers  
sein / so sie Gottes wort die geschrifft vnd offentlichen  
warheit nit annemē oder hören wöllē das sie auch irer  
selbs rechten vñ satzungen / die sie bis here für iren höch-  
sten grund vñ das eyinig schwert aller irer handlungē  
wider menigklich geprauchet haben / stracks widerstre-  
ben / vnd damit selbs geschlagen werden / Ist nicht auch  
das / wider billichheit / wider alle vernunft / natur / men-  
schliche recht / erberkeit / vñ gute sytten gelebt. Vnd da-  
rum ist solcher außzug mit kurtz zusammen gezogen vñ  
in druck gepracht / Diuweyl ye Gottes forcht / vñ die lie-  
be der warheit / dise leut nit bewegen wil / Ob sie doch  
menschliche scham vnd entsetzen dahin treyben möcht /  
in sich selbs zuschlagen / vnd nicht also für vñ für wider  
den stachel zulauffen / sunder mit einer andern Chri-  
stenlichen bescheydenheit / dann leyder bis here besche-  
hen ist zūhandeln / Dann mit was scheulichem grund  
lest sich doch gegen Got vnd allen erbern frumen men-  
schen ymer verantwurten / das man gemess der spinen  
auß disen geystlichen Rechts büchern / allein das sauz-  
gen ziehen vnd geprauchten wil / das Götlicher vñ men-  
schlicher warheit / der schrifft auch aller erberkeit vnd  
gleyheit widerwertig / vnd bey Got vnd den menschen

ein greül ist/ Das aber / so Götlich Christenlich vnd in  
der schrifft gegründet/ auch zu einem redlichen eerlichen  
vnd gotseligen leben fürderlich ist/vnterlassen/verach-  
ten/ vnd weder annemē oder hörn/sunder mit der that  
vñ offenlicher Tyraney widerstreben solē Der almech-  
tig Gott wölle sich vnser Blindheyt erbarmen/ vnd als  
ein getrewer vatter/ der auch gegen den Bösen vnd vn-  
danckbern gütig ist / vns seinen heyligen geyst gnedig-  
lich mittheilen/die warheyt zuerkennen/vñ mit demut  
vnd forcht inn seinen wegen zuwandern / das wir die  
Keychthumber ewiger seligkeyt mit verlieren/Amen.

Seneca in Thicste,

Vbi non est pudor,  
Nec cura iuris, sanctitas, pietas, fides,  
Instabile regnum est,

Faint, illegible text, likely bleed-through from the reverse side of the page.

Faint, illegible text, likely bleed-through from the reverse side of the page.

Faint, illegible text, likely bleed-through from the reverse side of the page.

en  
pa  
st  
v  
fe  
sa  
ge  
w  
C  
d  
g  
  
m  
th  
h  
fe  
ch  
g  
v  
r